

Haya - Mwoyo Endashana Ebihandiko Bitakatifu - SW Intro Scriptures

Luka 17:5 Entumwa zishaba Omukama k'azongera okwesiga.

AbaRoma 10:17 Kityo okwikiliza kuruga omu ky'omuntu yahulira, kandi ekyahulirwa kiruga omu kuranga Kirisito.

Luka 11:1 Yesu aina mbali yashangirwe ali nashoma enhara. Orwo yamazire, omoiho omu begesibwabe amugambira ati, «Mukama, otwegese kushoma enhara, nk'okwo Yohana yayegesize abegesibwabe.»

1 Timoteo 2:1-4 Ekya mbere na mbere nimbatagiliza mushome enhara mutakilire abantu bona, mubashabire mara mubasiimire. 2 Mushabire abakama n'abatwazi bona tubone oburora bw'emilembe, obw'obuchulezi, oburora obwolekeire ahali Ruhanga, mara tube bantu abasaine kukunirwa omuli byona. 3 Ekigambo eki kirungi, mara nikishemelera Ruhanga Omurokozi waitu, 4 agonza abantu bona kabarokoka mara bakamanya amazima.

Luka 22:31 «Simoni, Simoni! Sitani ashabire muno kuberura nk'engano.

Zekaria 3:1,2 - Yuda 1:9 Kyonkai orwo Mikaili Omumalaika Mukuru na Sitani barashaine nibarwanira omubili gwa Musa, Mikaili tiyakeenire Sitani n'akake, shana akagamba ati, «Olibonwa Mukama.»

AbaEfeso 6:12 Nobona titulikurashana na bantu, niturashana n'abatwazi, n'abanyamani, n'abatwazi b'ensi egi ey'omwilima, kandi niturwana n'amahe g'amasisitani agatalikuboneka.

AbaEfeso 6:10,11 Eky'enzindo mugume mujwangane n'Omukama nimujunwa amanige. 11 Ebikwato ebyo Ruhanga alikubatunga mubijware byona, nirwo mulishobora kwemera emitego ya Sitani.

AbaEfeso 6:13-17 Aha rw'ekyo ebikwato by'endashana ebyo Ruhanga alikubatunga mubikwate byona, nirwo mulibona kumanzara aha kiro ky'endashana. Kamuliba mwamazire endashana mubere kimo emanzi ezitalikutetengeta. 14 Mwemelere nk'emanzi, omukandara gwanyu omu nyugunu gabe mazima, omu kifuba obugorogoki mube nibwo mujwara nk'engabo, 15 kandi okwetegeka kurange evangeli y'emilembe, ebyo bibe nibyo biba biratwa byanyu. 16 Kandi kwongera ahali ebyo mukwate engabo y'okwesiga, egyo niyo murakoza kuraaza emyambi yona y'omubisha elikurabagira nk'omuliro. 17 Okurokoka kwanyu niyo helumeta, kandi ekigambo kya Ruhanga niyo mbanda eyo Mwoyo Mutakatifu alikubatunga.

AbaHeburania 4:12 Kuba ekigambo kya Ruhanga kiina oburora n'amani, nikishara kushaaga embanda y'amogi gabili. Nikichumita nikigoba mbali omwoyo n'amagezi biteranira, mbali engingo ziteranira n'eminota, kimanya eby'omutima gulikutekeleza n'ebyo gulikugendelera.

Luka 4:8 Yesu amuhorora ati, «Kikahandikwa kit, «Orafukamiraga Omukama Ruhanga wawe wenkai, mara wenene mushai n'iwe orakoleraga.» »

AbaEfeso 6:18 Mushome enhara buli kanya nimwejunisa Mwoyo Mutakatifu. Mushome enhara eza buli ngeli mara mutake. Murare aha nkeera obuzira kunanukwa kulemwa kugoba aha ndekelero, mushabire abakirisito bona,

1 Samweli 17:45-47 - Daudi & Goliath

Luka 10:17-20 Enshanju na bibili batabaruka nibashemelerwa, nibagamba bati, «Mukama, n'amasitani gatuhuliire omw'ibara Iyawe!» 18 Abagambira ati, «Mboine Sitani nakununtuka omw'iguru nk'orurabyo. 19 Mbahaire obushobora kukandgilira enjoka n'obumiina, n'amani gona ga Sitani mugatere aha mutwe. 20 Nawe eki mutakishemelerwa kubona amasitani nigabahulira; shana mushemelerwe kubona amabara ganyu gahandikirwe omw'iguru.»

2 AbaKorinto 10:3-5 Enshonga n'orwo tuli omu nsi titulikurashana ndashana ya mu nsi. 4 Nobona ebikwato byaitu ebyo tulikurashanisa endashana ti bikwato bya mu nsi omu. Bikwato ebina amani ga Ruhanga agalikushobora kusilikya eboma zona. 5 Eby'abantu balikuuhakana nitubisirasiza, n'abeikuru abalikwanga obumanyi bwa Ruhanga nitubatera ahansi. Nituhindura ebitekelezo bya buli muntu ashobore kugira omuhuliro ahali Kirisito,

2 Timoteo 1:7 Ruhanga tiyatutungire mutima gwa butini. Akatutunga omutima ogw'amani n'engonzi n'okwelinda.

Matayo 12:28,29 Kyonkai k'amasitani ndaba ningabingisa Mwoyo wa Ruhanga, aho lero obukama bwa Ruhanga bwabagobire. 29 Angasi omuntu yakutaha atai omw'Omuntu ow'amani akamunyaga ebye atabandize kuboha ow'amani ogwo akaba nirwo anyaga enjuye?

AbaEfeso 1:13 Nainywe kwakwo mukaba bantu ba Ruhanga orwo mwamazire kuhulira ekigambo ky'amazima, niyo vangeli eyabarokoire. Mukaikiliza Kirisito, aho Ruhanga yabataho akamanyiso k'okuba bantube orwo yabatungire Mwoyo Mutakatifu owo yabaire aragaine.

Ebikorwa Ebikorwa By'Entumwa 19:6 Paulo abataho emikono, batungwa Mwoyo Mutakatifu. Bagamba endimi ezitalikumanyika, baba barang.

Mariko 16:15-18 Abagambira ati, «Mugende omu nsi zona, murangire abantu bona evangeli. 16 Aliikiliza akabatizibwa alirokoka. Kyonkai aliba

ataikiliize ogwo aliramurwa. 17 Abalinyesiga balimanyikira aha bubonero obu: Balibinga Amasitani omw'ibara lyange, baligamba endimi ezihya, 18 balikwata enjoka. N'orwo balinywa eky'okubaita tikilibakoraho kantu. Balitekaho abarwaire emikono bakire.»

1 Yohana 1:9 Katurayetonda amafu gaitu ahali Ruhanga, wenene okwo aba mwesigwa mara w'amazima, aratugarulira amafu ago, atwogye n'entambara zona.

ky'Ezaburi 109:17 - Yakobo 3:10 Akanwa konene konene karugwamu okusingiza n'okukeena. Barumuna bange, ebi tikwo bilikuragirwa kuba.

Omuramuzi 16:16 - 2 Petero 2:7,8 Akakiza Loti omugorogoki, ayabaire yashobeirwe aha rw'emichwo mibi y'abasiyani 8 (enshonga Loti ogu omugorogoki akaba abatwiremu nabona mara nahulira ebyo bakoraga, amafu gabu gamushasa buli kiro aha rw'obugorogokibwe).

AbaEfeso 4:26 Kamuranigara mutafakara, eizoba kugya kutobera mube mutakiina kiniga.

AbaRoma 14:12 Kityo ichwena tulyetonda obusigire ahali Ruhanga.

1 Yohana 2:23 Kaishe muntu ayanga Omwana ayanga na Isheichwe. Ayakunda Omwana akunda na Isheichwe.

Yohana 14:6 Yesu amugambira ati, «N'inye muhanda, n'amazima, n'oburora. Taliho muntu agoba Tata atarabire ahali inye.

Matayo 11:28-30 Mwije ahali inye inywena abalemirwe n'abasikiliirwe, ndabalemuura. 29 Mwetweke enkomo yange, mwegere ahali inye, enshonga inye ngira obufura n'obwetohya, mara emyoyo yanyu erahumura. 30 Nobona inye enkomo yange neyoroba, kandi omugugu gwange nigurahuka.»

2 AbaKorinto 6:2 Ruhanga wenene nagamba ati, «Akanya kakagobire nkakuhuliliza, ekiro ky'okurokoka kakyagobire nkakurokora.» Leba akanya nik'aka; leba kir'eki nikyo kiro ky'obuchunguzi.

AbaRoma 10:13 Nobona «Buli omoi atakira Omukama, alirokoka.»

Exodus 20:5 - sin cursed to 3 & 4 generations